

國子監志

卷之一

廟志一

廟制圖說

第四冊

國子監志卷一

廟志

臣等伏惟國學專祀


孔子自唐貞觀以來為定制矣元都燕京建廟城東北隅明永樂因之而體制未壯

聖朝禮敬尊崇改額

大成殿門易廟以黃瓦

欽定祀位次增十二哲及兩廡從祀先賢先儒亘萬古為昭矣謹輯





先師廟在都城東北安定門內成賢街國子監之左南嚮前為大門門凡三間高三丈中廣一丈三尺七寸左右各廣一丈一尺七寸深一丈九尺基高二尺四寸覆黃琉璃瓦牆飾紅黃色楹柱門扉皆丹飾梁棟施五采門東西立下馬碑各一門南屏垣一高一丈一尺五寸廣四丈六尺深六尺石座高三尺五寸八字垣二高九尺一寸廣二丈四尺深三尺二寸石座高三尺上覆黃琉璃瓦垂柱等飾以綠琉璃東西柵欄二又

屏垣左右垣各一袤長三十一丈高六尺七寸外圍垣袤長九十五丈高六尺五寸均覆以板瓦皆丹飾門中恭懸

高宗純皇帝御書

先師廟額清漢文門內左綠琉璃瓦碑亭一為明英宗

新建太學碑右黃琉璃瓦碑亭二前為乾隆三十二年

高宗純皇帝重修

先師廟清漢文

諭旨碑

載本志建修

諭旨恭

後為道光九年

皇上御製平定回疆勦擒逆裔告成太學碑

恭載禮文

志

獻

門垣左右分列明進士題名碑四十

有五皆北嚮

詳見金石志進士題名碑

二門為

大成門恭懸

高宗純皇帝御書

大成門額

清漢文

門凡五間高四丈九寸中廣一丈

五尺七寸左右各廣一丈五尺深三丈二尺基

高六尺五寸覆黃琉璃瓦周以石闌中三門前

後三出陸階各十有四級門左右翼以牆飾紅

黃色左右門各一門外迤東為神廚五間西嚮

高二丈八尺中廣一丈三尺左右各廣一丈二

尺深二丈神廚南為井亭井甃以石亭高一丈

六尺六寸深廣一丈二尺又南為宰牲所三間

西嚮高二丈四尺八寸中廣一丈一尺左右各

廣五尺深二丈均覆綠琉璃瓦又南為更房西

嚮高一丈七尺六寸廣一丈二尺深一丈五尺

覆以版瓦迤西為神庫五間東嚮高二丈八尺

中廣一丈三尺左右各廣一丈二尺神庫南為持敬門西嚮高二丈三尺七寸廣一丈八尺深二丈又南為承祭官致齋所三間東嚮高二丈八尺中廣一丈一尺五寸左右各廣一丈五尺深二丈均覆綠琉璃瓦又南屋一間即更衣亭舊址東嚮高一丈七尺六寸廣一丈二尺深一丈五尺覆以版瓦階以下為外墀左右分列

國朝歷科進士題名碑八十有五道光十三年癸巳科元御碑二附見金石志御碑元進士題名碑三明進士題

名碑三十有二皆南嚮詳見金石志進士題名碑階上左為乾隆五十五年

高宗純皇帝御製集石鼓所有文成十章製鼓重刻序碑文恭載金石志碑陰刻石鼓音訓詳見金石志

高宗純皇帝御題張照書韓愈石鼓歌碑國朝石鼓右為詩恭周

高宗純皇帝御製重排石鼓文鼓十東西列焉詳見金石志亦皆南嚮

國朝石鼓門內左右列戟二十有四周石鼓十第六

鼓石面恭刻

高宗純皇帝御製重排石鼓文詩金石志周石鼓詩恭載元潘

迪石鼓音訓碑一詳見金石志周石鼓中為

大成殿恭懸

高宗純皇帝御書

大成殿額清漢文殿凡七間高七丈六尺三寸中廣

一丈八尺五寸次二間各廣一丈六尺又次四

間各廣一丈五尺深八丈基高七尺圍廊重檐

覆黃琉璃瓦殿中恭懸

聖祖仁皇帝御書額一曰萬世師表康熙二十四年

世宗憲皇帝御書額一曰生民未有雍正三年

高宗純皇帝御書額一曰與天地參乾隆三年

御製聯一曰氣備四時與天地鬼神日月合其德教垂

萬世繼堯舜禹湯文武作之師乾隆三年

又

御製聯一曰齊家治國平天下信斯言也布在方策率

性修道致中和得其門者譬之宮牆乾隆三年

仁宗睿皇帝御書額一曰聖集大成嘉慶三年

皇上御書額一。曰聖協時中。道光三年殿前月臺一。

高六尺五寸。廣八丈四尺一寸。深四丈三尺九

寸。周以石闌。三出陛。前及左右各一。階十有七

級。月臺前為甬路。其西井一。東西分列碑亭十

一座。俱覆以黃琉璃瓦。恭勒康熙二十五年。

聖祖仁皇帝御製

至聖先師孔子贊。文恭載卷首。康熙二十八年。

御製顏曾思孟四子贊。文恭載卷首。康熙四十二年。

御製平定朔漠告成太學清漢文碑。文恭載禮志。

雍正三年。

世宗憲皇帝御製平定青海告成太學碑。文恭載禮志。

功獻雍正六年。

御製仲丁親祭詩。詩恭載禮志。乾隆三年。

高宗純皇帝御製

文廟易蓋黃瓦

臨雍紀事清漢文碑。文恭載本志建修。碑陰恭刻

御製乾隆庚申仲秋釋奠詩。

御製乾隆甲子仲秋釋奠詩。詩均恭載禮志。乾隆十

四年

御製平定金川告成太學清漢文碑

文恭載禮  
獻功

碑陰恭刻

御製乾隆癸酉仲秋釋奠詩

御製乾隆丙子仲春釋奠詩

詩均恭載  
釋奠 乾隆二

十四年

御製平定準噶爾告成太學清漢文碑

文恭載  
禮志

碑陰恭刻

御製伊犁勒銘

文恭載禮  
獻功 乾隆二十四年

御製平定回部告成太學碑

文恭載禮  
獻功 碑陰恭

刻

御製乾隆己丑仲春釋奠詩

詩恭載禮  
釋奠 乾隆三

十四年

御製重修

文廟清漢文碑

文恭  
建修 碑陰恭刻

御製乾隆癸卯仲春釋奠詩

御製乾隆乙巳仲春釋奠詩

詩均恭載  
釋奠 乾隆四

十一年

御製平定兩金川告成太學碑

志

文恭載禮  
獻功

其東

西廡各十九間高三丈一尺八寸各廣一丈二尺五寸深二丈九尺兩廡之南東西列舍各十二間北嚮東為祭器庫西為樂器庫中一間廣一丈九尺五寸餘各廣一丈二尺二寸深如之西廡南燎屋一均覆綠琉璃瓦西北瘞坎一庭中悉植柏木殿東掖十間南嚮西掖十間亦南嚮中一間為穿堂折而西為西牆門均高二丈五尺一寸中一間廣一丈九尺五寸深如之餘

各廣一丈二尺七寸深一丈九尺五寸

謹案

大成殿向稱

先師廟二門統稱廟門蓋始於明臣張璁非禮也乾

隆三十二年


高宗純皇帝因飭工修廟之時

特頒明詔增廟門額曰

先師廟改殿額曰

大成殿二門額曰

大成門云




崇

聖

祠

圖



崇聖祠在

大成殿後正殿五間高三丈一尺八寸五分中廣一丈六尺五寸左右各廣一丈三尺三寸深一丈六尺基高五尺七寸前有月臺一高五尺五寸廣四丈九尺深二丈五尺三寸三出陛前及左右各一階十有一級東西廡各三間高二丈四尺四寸中一間廣一丈三尺五寸次二間各廣一丈一尺五寸深二丈五尺五寸東南燎爐一周繚以垣庭中列植槐柏中為門三間懸額

曰崇聖祠

崇聖祠

清漢文

高二丈六尺八寸中廣一丈三尺五

寸左右各廣一丈一尺五寸深一丈八尺左右門各一門外西折有門一間西嚮正殿正門均覆綠琉璃瓦兩廡甃瓦門楹丹牖

謹案

崇聖祠本名

啓聖祠明嘉靖九年建

國朝雍正元年加封

先師五代竝為王爵。合祀祠中。奉

勅易名

崇聖。

高宗純皇帝御極之三年。

特命

崇聖祠。易蓋綠琉璃瓦。三十二年。

大發帑金。與


先師廟竝事。鼎新焉。

土

地

祠

圖



土地祠在

崇聖祠後迤西正祠三間南嚮高一丈七尺五寸

廣一丈一尺深一丈八尺內懸聯曰進學解成

間官一席會三仕起衰力任鉅學千秋本六經

康熙戊辰司業彭定求題又額曰泰山北斗聯曰貫日矢天

正氣衍千秋之俎豆驅邪闢異精英振八代之

文章康熙戊辰典簿張璿題又額曰浩氣獨存聯曰道統

接魯鄒而後功在千秋儒修開濂洛之先澤流

多士康熙丙戌祭酒孫岳頌題又額曰昭垂宇宙乾隆丙申助教嵩齡

題又額曰斯文在茲聯曰起八代衰自昔文章

尊北斗興四門學即今俎豆重東膠嘉慶丁巳祭酒法式

善題又額曰優入聖域嘉慶癸酉助教金特赫題又額曰忠直

正大道光己丑伯慶阿題左右掖房各一間高一丈四尺

一寸廣九尺深一丈四尺前抱厦一間高一丈

一尺三寸又前左右廂房各三間高一丈三尺

九寸廣一丈八尺四寸深一丈二尺均覆以甃

瓦周繚以垣庭中雜植各樹前為大門高七尺

九寸廣一丈深五尺左右小門各一

謹案祠之始立無考明太學志云土地祠五間在饌堂門之右疑卽此也

國朝康熙戊辰丙戌乾隆己巳甲申節經丹牖三十二年附

先師廟大工一體庀材加煥飾焉

附

元

文宣王廟在東北緯塗之南北東經塗之東殿四阿崇十有七仞南北五尋東西十筵者三左右翼

之廣亦如之衡達於兩廡兩廡自北而南七十步中門崇七仞有四尺脩半之廣十有一步門西門東之廡各廣五十有二步外門左右為齋宿之室以間計各十有五神廚神庫南直殿之左右翼以間計各七殿而廡廡而門外至於外門內至於廚庫凡四百七十有八楹

吳文正公集

謹案此卽今國子監

先師廟址也元初都城廟學燬於兵王檝請以金樞密院地創之於是置學南城竝建立

宣聖廟世祖至元二十四年遷都北城以南城國子學為大都路學廟為大都路學廟廷議營立廟學久而未成至成宗大德間始克集事前代殿宇之制可考見者蓋始於此云

明

先師廟正殿七間初稱

大成殿後題曰

先師廟高三丈六尺廣十三丈一尺深七丈一尺露臺東西八丈八尺南北四丈五尺基高六尺上

有石欄杆前有石階級左右石階級各一殿之東掖為祭器庫十一間高一丈五尺每間廣一丈三尺深一丈三尺基高一丈八尺西掖為樂器庫十一間高廣深入與祭器庫同東西廡各十九間高一丈六尺每間廣一丈三尺深一丈八尺基高二尺當廡門之中有小階級內墀東碑亭一座正統新建太學碑樹焉西井一口石甃兩墀雜植松桂槐柏共六十一株兩廡之南折而北向為東西序各十一間門各一高一丈

五尺每間廣一丈三尺深一丈三寸基高一尺八寸兩序之中為大成門後題曰廟門五間中門三東西各列戟十二門高二丈六尺廣七丈九尺前後深四丈八尺基高五尺周環石欄杆前後各石階級三門內石鼓各五西石鼓文音訓碑一通門外東神廚五間宰牲亭三間井亭一座井一口石甃西神庫五間持敬門一間致齋所三間外墀東元加封

聖號詔書碑一通大德十一年七月建西元加封

先聖父母妻并顏曾思孟制祠碑一通至順二年九月建東

西各有南北對廊樹歷科進士題名碑雜植松柏共五十七株櫺星門三間隔衢為屏牆外地一方東西廣七丈五尺深四尺為木欄以護焉

明太學志

謹案此即元大德時所建廟址也明正統間以故學卑隘命有司撤而修之左廟右學於是始備矣

啓聖祠南向正堂五間高三丈廣七丈八尺深二

丈五尺。露臺高五尺五寸。長二丈五尺。廣五丈。前有石階級。東西從祀堂各三間。高二丈。廣三丈七尺。深一丈三尺。祠門三間。高二丈。廣三丈。深二丈六尺。基高一尺五寸。前有石階級。兩旁為周垣。各有門以通拜謁。外由西出。大門一間。高二丈六尺。廣一丈八尺。深二丈八尺。門外即廣儲門之通路。同上

土地祠五間。在饌堂門之右。庭植松樹二株。繚以垣。中為門。折而西。一門。即由廣儲門之路而

入者。舊名小廣儲門。同上



